

52. SAPERDA. *Palpi* quatuor filiformes.  
*Maxilla* membranacea bifida.  
*Labium* cordatum truncatum.  
*Antennae* setaceae.

1. S. corpore griseo nigro punctato, antennis medio- *Carcha-*  
 cribus. *rias.*  
 Schaeff. Icon. tab. 152. fig. 4.
2. S. coleoptris linea suturali dentata punctisque flavis, *scalaris.*  
 antennis mediocribus.
3. S. alba thorace coleoptrisque fuscis: vittis duabus albis. *candida.*  
 Habitat — — — Mus. D. Hunter.  
 Magnitudo et statura praecedentis. Caput album ocu-  
 lis nigris. Thorax rotundatus supra fuscus vittis  
 duabus albis. Elytra obtusa, laevia, fusca vitta al-  
 ba, quae apice futuram attingit. Corpus et pedes  
 alba. Antennae desunt.
4. S. atra, elytris albo punctatis, antennis longis. *irrorata.*  
 Habitat in Africae plantis Dom. Vahl.  
 Magnitudo S. oculatae. Caput atrum, immaculatum.  
 Antennae corpore longiores, nigrae articulis basi al-  
 bis, primo crassiore unicolore, secundo piceo. Tho-  
 rax rotundatus, niger linea laterali interrupta alba.  
 Elytra laevia, nigra punctis numerosis albis. Cor-  
 pus nigrum.  
 Aliam misit Dom. Vahl elytris unicoloribus at vix di-  
 stinctum.
5. S. nigra, capite, thorace anoque ferrugineis. *modesta.*
6. S. thorace luteo: punctis duobus atris, elytris nigris. *oculata.*
7. S. ferruginea griseo villosa, scutello orbitaque oculo- *hirta.*  
 rum fulvis.
8. S. thorace rotundato punctato testacea, antennis pedi- *unicolor.*  
 busque concoloribus, antennis longis.  
 Habitat in Insula Amsterdam Mus. Dom. Banks.  
 Minor S. hirta. Antennae setaceae, corpore longiores,  
 testaceae. Thorax rotundatus, punctatus testaceus,  
 in quibusdam linea laterali cinerea. Scutellum gri-  
 seum. Elytra uti pedes testacea, immaculata.